

Predsjedavajući arbitar Arbitražnog tribunala za Brčko Clint Williamson u posjeti Bosni i Hercegovini



Novoimenovani predsjedavajući arbitar Arbitražnog tribunala za Brčko Clint Williamson sastao se danas sa visokim zvaničnicima u Sarajevu. Razgovarao je, između ostalih, sa premijerom Federacije BiH Fadilom Novalićem i arbitrom za Brčko kojeg je imenovala FBiH Ćazimom Sadikovićem.

Predsjednik Međunarodnog suda pravde imenovao je ambasadora Williamsona, koji ima bogato iskustvo kada su u pitanju prilike na Zapadnom Balkanu, na sadašnju funkciju 13. januara u skladu sa Aneksom 2 Dejtonskog mirovnog sporazuma. Williamson je naslijedio Robertsa B. Owena, koji je obavljao dužnost predsjedavajućeg arbitra od uspostave Tribunala sve do svoje smrti u martu prošle godine.

Za vrijeme trodnevne posjete Bosni i Hercegovini, ambasador Williamson će se sastati sa velikim brojem osoba iz raznih sfera povezanih sa provedbom arbitražne odluke. U Brčkom će se sutra sastati sa gradonačelnikom Distrikta Sinišom Milićem i zamjenikom gradonačelnika Antom Domićem, kao i sa predsjedavajućim Skupštine Distrikta Esedom Kadrićem i njegovim zamjenikom Ivom Filipovićem. Williamson će također prisustvovati obilježavanju 17. godišnjice uspostave Distrikta Brčko, te razgovarati sa arbitrom za Brčko kojeg je imenovala

Republika Srpska, Sinišom Karanom.